



# DOMINICVS BELLISARIVS DE BELLIS

V. I. D. Dei, & Apostolicæ Sedis gratia cleus  
Episcopus Melphictensis

*Venerabilibus Fratribus, ac dilectis in Christo filijs  
Capitulo, Clero, & Populo Melphictensi sa-  
lutem in Domino sempiternam.*



Incomprehensibili Dei providentiâ, cuius iudicia quò  
plus abscondita, eò magis in semetipsa iustificata, &  
quibus ludens in Orbe terrarum in delicijs habet susci-  
tare de terra inopes, ac inter Principes collocare, vt so-  
lum gloriæ teneant: En dilectissimi secundò venio ad  
vos; immò verius designatione Pontificia mitor; qui  
quondam Vicaria istic facultate integro vsus nouennio, nunc in Episco-  
pum eligor animarum vestrarum. Placuit illi, qui in sui dispositione,

A

ac3

nec fallitur, nec falli potest, iacentem in tenebris humilitatem nostram  
 lumine claritatis suæ illustratam super Candelabrum istius Sanctæ Eccle-  
 siæ exponere, ut lucens omnibus vobis, illius supernæ Patriæ viam osten-  
 dat, pro qua tantum, felicissima vndeque; sorte, creati, eandem, tanquam  
 hospites, aduenæ, & peregrini in hoc sæculo omni conatu continuo inquir-  
 ere debemus. Accidit hoc nobis (scit Deus quia non mentimur) vsque  
 adeò inopinatè, ut tunc factum fuerit quando, quod ab huiusmodi curis  
 omninò liberi essemus, vndique in Domino gaudebamus. Beneficentiā si-  
 quidem, ac munificentiam Sanctissimi Domini Nostri Innocentij Papæ XII.  
 ad munus sui à secretis Cappellani euecti, quæ vox, quæ potuit lingua  
 retexere quali afficiebamur spirituali, ac temporali lætitiā recitandi alter-  
 natim cum Sanctitate sua Diuinam Psalmodiam? Videbamur, pro ut ad-  
 huc videmur nobis iam Coelestis Hymnodicæ capeffisse pignora, & adhuc  
 in via, dulcissimæ illius, quæ datur in termino prægustare suauitatem,  
 dum vicissim cum Christo Domini, cum Altissimi Vicario benedicebamus  
 Domino, ac laudes eius erant in ore nostro. Quapropter remisso omninò  
 cæteris ministerijs nuncio, delatoque satis superque contenti, iam puta-  
 bamus sedere in illa per Prophetam descripta plenitudine pacis, in taber-  
 naculis fiduciæ, in requie opulenta. Cum ecce tibi sub initium lapsi pro-  
 ximi lunij ipse in Terris Christi Vicarius, post persolutas Deo de more  
 preces, ante eius pedes in genua peruolutis; voce Maieſtatis intonuit  
 designasse nos, ac deputasse ad istam Melphitensis Ecclesiæ Cathedram,  
 eorumque cætibus adscripsisse, quos Sanctitas sua non dedignatur fratres  
 appellare, & in partem assumere vniuersalis sollicitudinis suæ; atque ita  
 Pastorale onus Angelicis humeris formidandum, ut collo meo impone-  
 rem, oris sui oraculo denuntiavit. Ad tanti momenti, ac ponderis Nun-  
 cium improuissum (fateor infirmitatem meam) totis artibus contremui,  
 ne dicam exhorruī, reuocatisque vtrumque subito licuit, in aciem linguæ  
 humillimis supplicationibus, nihil prætermisi, qua lachrymis, qua suspirijs  
 Sanctissimum Dominum rogando, & obsecrando, ut sineret à me transire  
 Calicem istum: sed frustra, ipso semper immoto, & vocem, qua clama-  
 bam, & orationem, qua obsecrabam non exaudientē; donec non meæ,  
 sed Dei voluntati obsequens, illum bibere acquieui; humanitate tamen  
 vndique obſistente. Parcat mihi Deus, si non hilarem me sibi obtuli in vi-  
 nea sua Operarium. Reclutabat enim (dicamque meritis) animus, cuius  
 spiritum illico timor, & tremor ebitis; cum è portu tranquillitatis in alti-  
 tudinem maris me exturbatum animaduertens, memoria reolebam, quæ  
 alias videram; laudieram; ac manus nostræ contrestauerunt de regimine  
 animarum viginti ferè annorum spatio in munere Vicarij Generalis, &  
 recogitabam quibus iterum, ac maioribus addicendus eram tempestati-  
 bus quibus laboribus, vigilijs, ac periculis. Et si enim iuxta Apostoli  
 sententiam bonum opus Episcopatus: at vnde mihi ut sim irreprehensi-

249  
his ad mala declinanda : ad bona vero facienda ijs virtutibus, ac perfectio-  
ne præditijs, vt omnibus omnia factus omnes Christo lucrificare valeam;  
ni velim, vt eorum sanguis è manu mea requiratur? Et tamen hæc sunt  
Episcopi necessaria munera, hoc ineluctabili onere regimini Ecclesiarum  
suscipitur, tanto ponderi terga parat qui Sacerdotalibus Infulis supponit  
caput. Quæ cum ita sint, heu quantum dolendum, ac maximè superdo-  
lendum nobis fuisset, nisi misericordiarum Pater, ac totius consolationis  
Deus, cuius misericordiæ non est numerus, cuius bonitatis infinitus est  
thesaurus, qui consolatur nos in omni tribulatione nostra, miseram nostræ  
imbecillitatis miseratus conditionem apprehendisset manum nostram, ac  
fortiter, & suauius insonans auribus cordis nostri illud. *Modice fidei  
quare dubita fili?* interius edocendo, vt non simus in nobis ipsi fidentes:  
sed omnia potius speraremus ab eo, qui potens est de tenebris lumen fa-  
cere, ac de nihilo cum cæta visibilia, & inuisibilia, vel vno tantum verbo  
creare, confortando, nobis animos addidisset.

Parati itaque semper in eo sperare, imo in hac spe singulariter constitu-  
ti; ecce iugum Domini subimus, iugum sperantibus in eo verè suauel, &  
onus leue, quod vt ferre valeamus, sat erit providere semper ipsum Domi-  
num in conspectu nostro, qui ad opus ministerij, ad quod assumpsit nos,  
aderit nobis à dextris, aderit in sinistris, ne dum, vt non ruamus; sed vt  
nec etiam commoueamur.

Salnete igitur dilectissimi, & oh quam spiritali gaudio replemur, salu-  
tantes eos, qui aures habent iam ad audiendam vocem sermonis nostri  
assuetas. Ita profecto est, salutat vos ille idem, quem amatorem non  
contemptibilem animarum vestrarum (ni fallimur) experti, redamatum  
à vobis, non tam sui merito, quam vestra benignitate tot annis voluistis.  
Totus repletus consolatione superabundo gaudio; nec valens conhibere  
letitiæ voluptatem, propria pusillitatis oblitus, mente extollor, dum  
mibi, qui sum omnium peripsema, contingit modo posse ore pleno cum  
aferno Pastore gloriari, & inclamare *Cognosco oves meas*, & *Cognoscunt  
me meæ*. Cognosco vos omnes; & vique adeo optimè nosco, vt verè  
tanquam oves proprias vocare possim nominatim: Oves omni pietate, ac  
bonitate repletas, audientes libenter vocem Pastoris sui, etque in omnibus  
tam libentissimè parentes; vt ad eas continendas intra virtutum pascua,  
& si quæ enquam errabunda aliò diuerterit, ad statim in Caulam Domini  
reuocandam; non aliud opus, quam simplex nutus, seu dulcis sibilus  
Pastoralis. Cognoscunt me meæ, ac satis superquè me noslis; cum estis  
veluti sub mercenarij titulo vobiscum alias versatus sim; nunquam ta-  
men, Dei gratia, vidi lupum venientem, & fugi. *Aurum, argentum, aut  
vestem nullius concupisci, sicut ipsi scitis: neminem læsumus, neminem cor-  
rapimus, neminem circumuenimus.* Quinimò quidquid ad vestræ utili-  
tatis, seu spiritualis, seu temporalis augmentum conferre potuit, quan-



tiū potuimus, pro tenuitate nostra, promouere studuimus. Et tamen (da Domine bonorum omnium largitor, de cuius tantum munere venit omne datum optimum, & omne donum perfectum, vt implere valeamus, quæ in te sperantes promittimus) adhuc melioribus ominibus auspicandus erit secundus aduentus noster. Etenim in primo accessimus facturi iudicium, & iusticiam. In hoc secundo misericordia anteibit iudicium, & Iustitia, & Pax inuicem osculabuntur. Tunc solum iudex; nunc Pater, & Pastor. Tunc ex officio virga aliquando opus fuit, & si ea fuerit spectata bonitatis vestra, vt illam potius ostendere, quam exercere debuerimus: Nunc toti in spiritu lenitatis, ac mansuetudinis nihil intactum relinquemus, vt in bonitate, patientia, ac beneuolentia, quantum fieri poterit, a malo declinetis. Tunc iustitia ante Pacem ambulauit; nunc verba pacis præcedent arma iustitiæ, fungentibus nobis (licet vndeque immeritis) munere diligentis illius, ac pij Pastoris, cuius Sacrosancta Tridentina Synodus officium esse censuit; morbis ouium leuiā primum adhibere fomenta; post vbi morbi grauitas ita postulet, ad acriora, & grauiora remedia descendere. Ad ambulandum in viam pacis Rex pacificus mittit nos, vt in eandem pacis, & prosperitatis viam vos dirigamus. Mandatum Domini ad Apostolos suos hoc est: *Quamcumque domum intraueritis; primum dicite pax huic domui*: Merito igitur hanc ipsam pacem accedentes ad vos annunciamus vobis; modo per epistolam absentes corpore, non corde: Cum autem presentes erimus, corde, & corpore eandem factis adimplere curabimus. Pacem donec venimus, cum venerimus, cum steterimus annunciamus vobis, & in pace in id ipsum dormiemus, & requiescemus.

Sed vnde nobis hæc pax, cum militia sit vita hominis super terram? *Ubique mors* (clamat Gregorius) *ubique luctus, ubique desolatio, vndique percutimur, vndique amaritudinibus replemur*: Quomodo ergo inter tot angustias pacem nobis in hoc sæculo contingere poterit? Vera quidem sunt hæc; sed non inde, vt eam desperare potius, quam sperare debeamus. Ecce illam Apostolus nobis alta voce prædicat, & indicat dicens: *Gratia vobis, & Pax à Deo Patre nostro, & Domino Iesu Christo*, qui solus tribuit, quam mundus dare non potest Pacem. Ipse enim solus, ac sola Pax cordis nostri, super omnia amabilis, in quo tantum datur nobis inuenire requiem; quia solus ipse pulchritudo verè ineffabilis, & felicitas sempiterna. Vt igitur hanc pacem teneamus, ac omnia pariter bona cum ea adijciantur nobis, liceat cum Samuele annunciante senioribus Ciuitatis Pacificum ingressum suum vobis dicere: *Ad immolandum Domino veni, sanctificamini, & venite mecum*. Venite mecum Venerabiles Sacerdotes, & quicumque estis de ordine, & Cætu Ecclesiastico; quos vti seniores Ecclesiæ nostræ, & Gregis Christi illustriorem portionem primum alloquimur. Sacrificium nostrum, quod ad immolandum

Domino venimus, ponendo etiam, ubi oportuerit, pro Ombus nostris animam nostram, tunc maxime pingre fiet, eritque apud Altissimum acceptabile, cum cogitatione, verbo, opere, & spiritu cooperatores eritis corporis, & sanguinis Domini: Cum in sortem Domini vocati, casti, nitidi, sobrij, pij, abijcietes omnem impietatem, & Sæcularia desideria, omnia ut stercore arbitrabimur, ut Christum sacrificiatis: Cum nemini dantes offensionem aliquam, ut non vituperetur ministerium nostrum, ita mores vestros componetis, ut ad normam generalis edicti alias pro isto Clero per Sac. Congregationem approbati, ac servari mandati circa habitus, & tonsuræ delationem, ac formam, atque Sacrosancti Tridentini Concilij Sanctissimas Constitutiones, habitu, gestu, incessu, sermone, aliisque omnibus rebus nil nisi graue, moderatum, ac Religione plenum præferetis, sicut decet ministros, ac dispensatores gratiæ Dei, in quos reliqui, tanquam in speculum, oculos conijcietes, ex vobis sumant, quod imitentur. Sanctificamini, & venite mecum reliqui omnes quotquot estis utriusque sexus fideles curæ nostræ Pastoralis commissi, ad quos sermonem conuertimus, ac mundati ab omnibus inquinamentis, excussoque ab animabus vestris quocumque delictorum puluere; & euntes de virtute, in virtutem, sedulo curate, ut possitis etiam vos vasa Domini munda inueniri. Declinantes à malo, ac facientes bonum, & vndique repleti sanctissimis Charismatibus, satagite, ut per bona opera vestra certam vestram vocationem facientes, valeatis, & vos tanquam hostiæ viuentes, ac Deo placentes ita nobiscum ambulare cum consensu in domo Dei, ut vnanimes, vno ore, ac vnico spiritu honorificemus in sacrificijs nostris Deum Patrem, Deum Filium, Deum Spiritum Sanctum, vnicam tantum in tribus personis Deitatem, de cuius lumine, ac Numine Pax, quæ exuperat omnem sensum, descendat in cordibus vestris.


De cætero dilectissimi, liceat nobis claudere vota nostra, vnde initium fecerunt illa Machabeorum ad Fratres salutem eis præcantes, ac Pacem bonam: *Beneficiat vobis Deus, & det vobis Cor omnibus, ut colatis eum, & faciatis eius voluntatem corde magno, & animo volenti. Adaperiat cor vestrum in lege sua, & in præceptis suis, & faciat Pacem. Exaudiat orationes vestras, & reconcilietur vobis, nec vos deserat in tempore malo. Quæ ut ad vota respondeant, Ecce nunc hic sumus orantes cum Apostolo, ut charitas vestra magis, ac magis abundet in scientia, & in omni bonitate, ut probetis potiora, & sitis sinceri, & sine offensa in diem Christi, repleti fructibus iustitiæ per Iesum Christum in gloriam, & laudem Dei: Ut sit conuersatio vestra in sanctitate, & iustitia omnibus diebus vitæ vestræ, ut cum apparuerit Princeps Pastorum iudicaturus viuos, & mortuos, possimus occurrere ei cum exultatione portantes vos manipulos nostros; liceatque humili Antistiti vestro, cui commissit Dominus partem hæreditatis suæ, cum ingenti gaudio dicere: *Ecce quos dedisti mihi, non per-**

*perdidi ex eis quemquam, ac maiori læticia, nos audire: Euge serue bone,  
& fidelis intra in gaudium Domini tui; & vos Venite Benedicti Patris  
nostri, percipite Regnum vobis paratum ab origine Mundi: quod ipse nobis  
per gratiam suam præstare, dignetur, qui est super omnia Benedictus in  
saccula Amen.*

Datum Romæ die propositionis Nostræ 23. Ianuarij 1696.

**ROMÆ, Typis Reuerendæ Cameræ Apostolicæ 1696.**

*Superiorum permisso.*





# Indice

Discorso in morte d. <sup>mo</sup> Fr. Inge Fran. d. P. a	1
Il Gioia del Vaticano Lancanico	11
Discorso de. Car. del. S. a	40
Orat. di Cammillo Sinucej	49
Lettera di Agostino Colbellinj	83
Orat. di. Filio Cori	94
Alto in lode della Vna Reg. d. Francia	117
Discorso in lingua Francesa	127
Le laudibus Legum	133
S. Fran. d. Fr. Frischj Car. d. Fr. d. Fratio	142
Stas in munitis succo de munitis Equilinis	148
Laurea in Fr. d. Teologoru universitate	166
Epistola Nicolaj Kenonis	174
Alia	177
De literaru necessitate atq. necessitate Oratio	178
De atq. Epist. Jacobi Moanij Gibonij	187
De Pro. Fr. et Vno Oratio	188
Ch. diu. a Epist.	196
De S. Spiritus Adventu Oratio	200
In. intere Quas. Suspen. Cad. d.	208
Indicatio uic. ac met. pod.	226
Libre. Pastorales Petanij d. Robo Ep. d. Fr. d.	232
Epistola Episcopi. A. d. p. d. d.	243

Index

1	1. The first part of the work
11	2. The second part of the work
20	3. The third part of the work
30	4. The fourth part of the work
40	5. The fifth part of the work
50	6. The sixth part of the work
60	7. The seventh part of the work
70	8. The eighth part of the work
80	9. The ninth part of the work
90	10. The tenth part of the work
100	11. The eleventh part of the work
110	12. The twelfth part of the work
120	13. The thirteenth part of the work
130	14. The fourteenth part of the work
140	15. The fifteenth part of the work
150	16. The sixteenth part of the work
160	17. The seventeenth part of the work
170	18. The eighteenth part of the work
180	19. The nineteenth part of the work
190	20. The twentieth part of the work
200	21. The twenty-first part of the work
210	22. The twenty-second part of the work
220	23. The twenty-third part of the work
230	24. The twenty-fourth part of the work
240	25. The twenty-fifth part of the work
250	26. The twenty-sixth part of the work
260	27. The twenty-seventh part of the work
270	28. The twenty-eighth part of the work
280	29. The twenty-ninth part of the work
290	30. The thirtieth part of the work
300	31. The thirty-first part of the work
310	32. The thirty-second part of the work
320	33. The thirty-third part of the work
330	34. The thirty-fourth part of the work
340	35. The thirty-fifth part of the work
350	36. The thirty-sixth part of the work
360	37. The thirty-seventh part of the work
370	38. The thirty-eighth part of the work
380	39. The thirty-ninth part of the work
390	40. The fortieth part of the work
400	41. The forty-first part of the work
410	42. The forty-second part of the work
420	43. The forty-third part of the work
430	44. The forty-fourth part of the work
440	45. The forty-fifth part of the work
450	46. The forty-sixth part of the work
460	47. The forty-seventh part of the work
470	48. The forty-eighth part of the work
480	49. The forty-ninth part of the work
490	50. The fiftieth part of the work



1040  
Ruth L. L. L.  
L. L. L. L. L.

276  
Handwritten notes in cursive script, possibly a signature or date.

Faint, illegible handwritten text at the top left of the page.

Main body of the page containing several paragraphs of extremely faint, illegible handwritten text.